

## UWILA I KA LUNA O MANOA

Hanohano Leahi i ka'u ike,  
 E paihi i ka Ua Kanilehua,  
 Ua ahi uka i ke ahe a ke kiu,  
 Ike i ka nani a o Palolo,  
 O ke kupueu a o Kupanihi,  
 Nana i hooni poli o Lehua;  
 Aia i ka lai a o Kaalawai,  
 Ke aloha aina hoolulu nei,  
 Konahuanui ka'u aloha,  
 Ka puu kaulana o ka aina,  
 Hiki mai ko aloha wela Waineki,  
 Hoapaapa ana i Papiohuli,  
 E huli e pili me Panaewa,  
 Me ke one laula ou e ka luhi,  
 Luhi hewa i ke anu a o Aipo,  
 I ka uka leo lea o Hihimanu,  
 I paihi i ka wai o Kawaikini,  
 E uwila i ka luna o Manoa,  
 I hoa kaana no Limaloa,  
 No ka olali o Kalanamaihiki;  
     Hainaia mai ana ka puana,  
     E uwila i ka luna o Manoa.  
                                     KANALU.